



Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

2. Quid Deus pater filijs suis, id est, credentibus vult dare in praesenti & in futura vita.

urn:nbn:de:hbz:466:1-29452

quis est qui condemnnet? Est quoq; credere, quod Deus pater noster, est creator cœli & terræ & omnia terum, quæ ad nostrum usum creavit, quo nos sustentare velit, & semper de manu sua reficere. Matth. 6. Scit pater vester quia his omnibus indigetis. Deus depauperari non potest. Sed diues est in omnes qui invocant nomen eius, Romanor. 10. Credere quoque in Deum patrem, est firmissimè tenere & nullo pacto dubitare, quod Deus qui propter filium suum nobis factus est pater, etiam propter eundem Christianum nos recipiat in gratiam, & ex misericordia nobis exhibeat & offerat filium suum cum omnibus bonis filij, Romanor. 8. tanquam certissimum pignus salutis æternæ. Qui ergo sic credit verbo Dei patris nostri, hic rectè cognoscit ac veneratur Deum patrem: quare grauissimum peccatum est, tam pium Deum patrem non agnoscere: est enim patris nomen amabile: si gaudet filius quod principem habet patrem, quanto plus gaudeat Christianus, quoniam Deum habet patrem?

Non sine causa Deus vult à nobis nominari pater & esse, 2. Cori. 12. inquit Apostolus: Non debent filii parentibus thesaurizare, sed parentes filij. Quoniam ergo Deus est noster pater, & nos filii eius, igitur datur nobis in præsenti vitæ, necessaria, & in futuro, gloriam æternam. Ad filios enim spectat hereditas ac diuitiæ parentum. Si ergo nos filii Dei, ergo & hæredes, Rom. 8. hæredes Dei & cohæredes Christi. sic Esa. 64. & 1. Corinth. 2. scriptum est, quod oculus non vidit, nec auris audiuit, nec in cor hominis ascendit, quæ præparauit Deus diligentibus se. & Rom. 8. Non sunt cōdigne passiones huius temporis ad futurā gloriam quę reuelabitur in nobis. Habet enim Deus pater noster triplicia opera, quæ in nobis exercet donec saluamur, & ad vitam perueniamus: primo Deus pater creavit nos, corpus & anima dedit & vitam

& vitæ necessaria: omnes quoq; creaturas nobis subiecit: deindè, quia Adam peccauit, & nos omnes peccatis nascimur, ideo nos Deus filius iterum à peccato redemit & liberauit Roman. 4. mortuus est pro peccatis nostris, & hoc sua morte impetravit nobis quod nostra nobis dimittuntur peccata, quoties voluerimus & petierimus, Matt. 18. Postremò, quoniam peccata nobis per fidem sunt remissa, datur nobis etiam D E V S Spiritus sanctus, qui nos sanctificat, & iustos ac bonos facit atque templum Dei. Hęc omnia nobis contingunt, quia Deus est pater noster, & nos filii eius: Ideò dicere, credo in Deum patrem, idem est quod, credo in Deum patrem qui me creavit, credo in Deum filium qui me redemit, credo in Deum Spiritum sanctum qui me purificat & sanctificat: aut, credo in Deum qui est Pater, & Filius, & Spiritus sanctus. Et quoniam Deus nobis pater est, ideo omnem spem & fiduciam in illum locare debemus: nemo enim tam infirmus est, quin poterit sanari, quia Deus omnipotens: nemo tam pauper, quin illi possit ditare: nemo tam simplex, quin poterit eum succere sapientem: nemo tam despectus, quin possit eum exaltare: nemo tam sordidus, quin possit eum iustificare: nemo tam infidelis, quin possit eum facere. delem: ideo illi soli fidere debemus, quoniam omnia sunt in sua potestate & manu. Insuper quia omnia creauit ad nostrum seruitum, Solem, Lunam, elementa, herbas, fructus & animalia, & hęc antequam nos crearet, vt indicaret quantam pro nobis curam ageret, vt antè nostram nativitatem omnia nostra necessaria essent creata: ideo illi fidere toto pectore debemus: Nam si creauit cęlum & terram, ergo est Dominus illorum, & omnia oportet fiant in cęlo & in terra, sicut ipse vult: & quia propter nos hęc omnia creauit, ideo & sic contingit: quare iubet nos non esse folios, quid manducemus, aut quę operemur, Mat. 6

sed se.

ET

nobis sub.
s omnes
erum à pe-
uus est pro-
rauit nobis
quoties vo-
r, quoniam
r nobis et
actificat, &

sed solum primum querere regnum Dei & iustitiam
cius, &c.

Magna gloria nobis est, quod sumus & dicimus filij Dei: Homines plurimum mirantur & extollunt filium principis, diuitis, aut regis potentis: maior gloria haec est, quoniam filii Dei sumus: ideo inquit I. Ioan. 3. Videte qualem charitatem ostendit nobis pater noster Deus, ut filii Dei nominemur & simus, propterea mundus non nouit nos, quia non nouit eum: Charissimi, nunc filii Dei sumus, & nondum apparuit quod erimus &c. I. Ioan. 3. Sic Ioan. 1. dedit potestatem filios Dei fieri his, qui credunt in nomine eius. Ad illam igitur magnam gloriam promouet nos Fides, ut nominemur & simus filii Dei. Igitur si Christiani apud mundum sunt despecti atque spectaculum, Corint. 4. sunt tamen filii Dei, & primi Tim. 4. In hoc enim laboramus & maledicimur, quia speramus in unum Deum, qui est seruator omnium hominum, maximè fidelium. Et quoniam filii Dei propter fidem Christi facti sumus, ideo maximè cauere debemus peccata, ne transgrediamur precepta patris: plurimum enim grauat peccatum, si quis in Deum peccauerit, sicut docuit Heli filios suos, I. Reg. 2. Si peccauerit vir in virum, placari ei potest Deus: Si autem in Deum peccauerit vir, quis pro eo orabit? Pudeat ergo maleficus, adulter, usurarius, fornicator, ebriosus &c. qui ita pessimè vivunt, quando dici volunt filii Dei.

3.

ET IN IESUM CHRISTUM
filium eius unicum, Dominum
noscum.

CAPUT XXXV.

ARGUMENTA.

I. Quod